

《四庫全書》研究資料叢刊

提要
四庫全書

張昇◎編
北京圖書館出版社

《四庫全書》研究資料叢刊

張昇◎編

北京圖書館出版社

《四庫全書》

提要
稿
輯
存

②

浙江採集遺書總錄

戊集

傳紀類一

總類

歷代君鑒五十卷

刊本

右明景泰四年御製序云朕景仰堯舜三代聖神
暨我祖宗謨訓拳拳而勿忘矣然又以主善爲師
雖一善弗可棄乃采漢唐來諸君嘉言善行并編
之揭曰善可爲法其言行有足以警省者附於末
揭曰惡可爲戒固將朝夕觀覽以資勸懲而亦以
垂鑒於方來

帝鑑圖說六卷

刊本

右明大學士張居正等撰取歷代興亡事繪圖系說乃隆慶間經進本

宗藩昭鑒錄十一卷

明史作五卷

寫本

右明洪武中輯初太祖嘗命禮部尚書陶凱主事張籌等采錄漢唐以來藩王善惡以爲鑒戒後凱出秦行省編輯未成於是詔秦王傅文原吉翰林編修王僎國子博士李叔元助教朱復錄事蔣子杰等續修之六年三月書成太子贊善宋濂爲序以進頒賜諸臣語見黃氏書目

古今宗藩懿行考十卷

刊本

右明潞王常芳輯亦載宗藩事而專錄其善行用
自則倣云

歷代臣鑒三十七卷

刊本

右明宣德元年御製序云古者君臣有交相助益
之義三代而上見諸經昭昭矣春秋以來二千餘
年凡臣之行事其善惡大概分類錄之用賜羣臣
俾時省覽

外戚事鑒二卷

寫本

右亦宣宗御製體例與歷代臣鑒同

歷代相臣傳一百五十卷

刊本

右明博士南昌魏顯國輯采列史之文自黃虞迄
宋元分人編傳薈萃頗詳

碩輔寶鑑要覽四卷

刊本

右明提學副使黃州耿定向輯自臯夔稷契迄宋
韓歐范富諸人約舉其事蹟之要而各系以讚述
以爲輔臣之鑒

名相贊一冊

寫本

右明尹直撰所贊皆漢唐宋三朝之賢相

歷代名臣芳躅二卷

刊本

右明平湖金汝諧輯采古言行而分次之凡爲類
九

歷代相業軍功考二卷

刊本

右明湖州沈夢熊輯考相業自伊尹傳說以下終
于陸秀夫凡四十七人考軍功自太公尹吉甫以
下終于孟珙凡五十六人而出將入相者則注其
下以別之

臣鑒錄二十卷

刊本

右 國朝監察御史金壇蔣伊輯亦分勸懲二門
每門又分細部各列事實若干條格言若干條

儒林全傳二十卷

刊本

右明魏顯國輯所采自孔孟迄元儒止體例與歷代相臣傳同顯國尚有歷代守令傳二十四卷並

見明史

廣卓異記二十卷

刊本

右宋都官宜黃樂史撰唐李翱有卓異記三卷述唐君臣超異之事史以其未詳于初入館殿時曾撰續唐卓異記三卷進上繼又讀漢魏以降至于五代史見聖賢卓異之事不下唐時人乃更纂采并唐總爲一集名曰廣卓異記續上之語見自序

廣羣輔錄六卷

刊本

右國朝仁和徐汾撰因陶靖節之聖賢羣輔錄更采史傳有陶公所遺者則補之陶以後自劉宋迄近代則續之而仍以原編彙入焉

事編六卷

刊本

右明孫慎行輯摘錄古人行事可法者始子產終耶律楚材人各數則

歷代將鑑博議十卷

刊本

右宋戴溪撰取古今諸將行事得失而論述之今本爲明嘉靖間重刊

歷代忠義錄十四卷

刊本

右明提學副使金溪王冀輯錄史集所載商周迄元忠節諸人事

孝史類編十卷

刊本

右國朝嘉興黃齊賢輯前列孝經次述歷代帝王孝行次述歷代孝子各以事跡相似者分類凡二十有二每人系傳寓以史翼經之義

廉吏傳四冊

刊本

右明叅議仁和黃汝亨輯本宋費樞廉吏傳而增續之自春秋迄元列上中下三等以次其事

古今廉鑑八卷

刊本

右明松江喬懋敬輯亦纂次廉吏事

牧津四十四卷

刊本

右明布政司叅政山陰祁承燦輯錄各史循吏事以類爲次俾牧民者有所津逮云

牧鑑十卷

刊本

右明朝城縣知縣汀州楊昱輯採經傳語于前而摘錄循吏故事及諸評論分列四門曰治本曰治體曰應事曰接人

壺天玉露四冊

刊本

右明舉人海鹽錢陞輯春秋以來迄明隆萬間士大夫廉介可法之事凡錄二百九十六則後附清士一卷

善行錄八卷

刊本

右明兵部侍郎鄞縣張時徹輯錄古今之善行凡二百九十人

善行續錄二卷

刊本

右不署名以廣前編未備疑亦時徹所爲

紀善錄一卷

寫本

右明杜瓊撰所紀皆明代好行善德者瓊自號鹿

冠老人

西山日記二卷

刊本

右明尚寶司少卿長興丁元薦撰皆記明人嘉言懿行黃宗羲云雖其人中下而一事合宜亦必書之元薦立朝丰節頗峻此可以見其取善之長矣

卓行錄四卷

刊本

右國朝吳江黃容撰所錄皆近代有志節者兼及列女事

續高士傳五卷

刊本

右明閩縣高兆輯仿皇甫謐之高士傳而續之所

采自兩晉迄明隆萬間

辨隱錄四卷

刊本

右明蘭溪趙鳳翀輯以古來號隱逸者其人之所處與其品量各有不齊因以類相從而錄辨之

續觀感錄六卷

刊本

右明崑山方鵬輯先周是修有觀感錄失傳鵬因而續之凡古今忠孝節義事其三代以上及事蹟顯者皆不錄自漢唐來卑官下吏女奴厮役或優伶蠻俗人微而事隱散出于紀傳非世所恒見者則錄之

歷代黨鑑五卷

刊本

右 國朝徐賓輯專錄列史朋黨事附以後人評論蓋有所懲而作者

貂璫史鑑四卷

刊本

右明按察司僉事張世則輯乃萬歷間經進本取前代事繫宦官者分條錄之係以箴評于明劉瑾王振輩亦及之可謂直而不汙者矣

續列女傳九卷

刊本

右明休寧邵正魁輯以續劉向之書其傳各以類從

閨範四卷 刊本

右明呂坤撰錄經傳文之有關婦道者爲嘉言一卷錄古今事蹟爲善行三卷書中有釋有圖有論欲使婦女觀之易曉云○按坤立朝持正爲小人所忌此書初出流傳入內神宗偶以賜鄭貴妃貴妃侈上之賜製序重刊頒之中外時儲位未定舉朝方集矢于鄭氏而忌坤者謂可藉手中以奇禍遂有戴士衡劾坤假托閹範說包藏禍心無知者又爲憂危竝議言坤以此書私通貴妃貴妃答以寶鑑五十采繫四端易儲之謀不幸有其迹時戚

臣鄭承恩上疏辨寃因戍士衡而坤亦自此退歸
不起見明儒學案

秦氏女訓二冊

寫本

右未詳撰人亦多述前代閭德及節烈事

傳記類二

以時代爲次

夷齊考疑四卷

刊本

右明石門胡其久撰以史傳所載如采薇不食周
粟之說爲可疑因而考辨之并取前人論贊諸作
彙附焉

夷齊錄五卷

刊本